

عالم SMS

الوصول في أجمل رسائل الجوال

بقلم الكاتب

عنتر عشري كامل



بطاقة فهرسة

حقوق الطبع محفوظة

مكتبة جزيرة الورد

اسم الكتاب : الوصال في أجمل رسائل الجوال

المؤلف : عنتر عشري كامل (عنتر أغا)

رقم الإيداع :

الطبعة الأولى 2011



رسائل عتاب بين الأصحاب

لو كنت صحيح حابني كنت تعالي عاتبني
سرك يا صاحبي في بير لأن الي بينا كثير
لو كنت صحيح مسامح إنسي الي حصل إمبارح
لا عمري أنسي ميعادك ولا أصبر علي بعادك
أسامحك وتسامحني يالي بعادك دابحني
ارجوك إنصحني من غير ما تجرحني
صدقني أنا نسيتهك وإنسي اني حبيتهك
قول عني مايكفيك عمري ما هرجع ليك
مهما تقول ندمان عمري ما أنسي الي كان
عاتبي وبلاش تروحي بعيد وتأخذي روحي
لو كنا بلديات كنت نسيته الي فات
لومش قادر تحبيني شاور وأنت تلاقيني

ليه قلقان وخايف مرعوب ودائماً عايش بالمقلوب
بتزود علي الكلمه وتتسب في زعل وخصام
بالصدق ولايوم تختارونبعد عن عذاب النار
خليك دايماً مع الحق وقول للكذب أبداً
لك مني الف سلام يامعلمني الغرام
عاشق ومالي حيله الرحمة ياأميره
إرجع وكفايه بعاد وبلاش من العناد
الحزن عشت في قلوبنا قلولوا يرحل ويسبنا
في كل مره أأمن ألاقيك كذاب وخاين
في زحمة الحياة كان لي حبيب وتاه
مهما تقول ناسي : فاكرك بإخلاصي
لو كنت يوم شكاك : ماقدرش أعيشي وياك
أزاي تقبل يا طيري : تبات في عش غيري
دائماً عليك بنادي : ياساكن في فؤادي

أزاي في يوم أنساك : والقلب عشق هواك

كلامك كله معاني : ياريت تقوله ثاني

حبيبي مكان ماتروح : أنت حبيب الروح

تحياتي مساء وصباح : تحياتي يا عود تفاح

هجرت أحزاني : والفرح ناداني

حد الغلط معروف : وصاحبه ضعيف مكسوف

أبعد عني وروح : يكفيك ألام وجروح

بتفكر ترجع ثاني : يعني كذاب وأنااني

الشك وحش كاسر : وصاحبه أكيد الخاسر

خلاص مدام أشتكيت : تبقي هدمت البيت

أزاي أقبل أهواك : وانت بقيت شكاك

أللي يشك فيك : أسف ما يكفيك

أيه يعمل الإخلاص : لو كان الشك أساس

تجر حني وتجيني : قال أيه يواسيني
لو كنت مسامح وراضى : بتسأل ليه ع الماضى
إمشى من غير سلام : مابقاش بينا كلام
كل ماقولك ارجع : تزود في الخصام
سرك يا صاحبي في بير : أصل الرجوله ضمير
ابعد ومش ذنبى : مادمت مش جنبى
صاحبك دا من بختك : لو حلو يا بختك
تعبت يا صاحبي معاك : ولا لاقى غير جفاك
يا صاحبي عيب عليك : كل دا ولا يرضيك
كل اللى بينا خلاص : شمت فى الناس
تعبت ليه قلبى : ماتقولى إيه ذنبى
خليك يا صاحبي فاكر : إنى أنا مش ناكر
تنكر فضلى عليك : طب عينى كدا فى عينك

خليك فاكرا يا اخويا : إنك ابن أمي وأبوي

بايعك وبالعشره : يا خاين العشره

طب ليه تنسوني : وانتو في جفوني

حظك يا قلبي قليل : صاحبي جبان وبخيل

أهين يا خساره : بيشوفني يدارا

شلتك يا صاحبي كتير : كل دا ولا تأثير

ليه لما تخاصمني : بالكذب توصمني

يا صاحبي مهما يكون : أنا فوق كل الظنون

فاكر ولا ناسي : انا عمري ما كنت قاسي

انا راضيه بالعيشه معاك في تعريشه

افكر فيك أقول ربنا يرضيك

ادبي معاك يقول صدقني انا مش من دول

مهما تعدي الليالي ولا غيرك يشغل بالي
بادعيلك في صلاتي يدوم حبك يا حياقي
لمست فيك الخير ومالك في الكون نظير
تشكي يوماتي وتلوم وانا عمري ما خنتك يوم
كل ما تشكر ربك يرضيك ويهدي قلبك
سامحيني يا بنت الناس بينا جبال وأرماس
من اول يوم خصام بتقول علي كلام
دور علي حد غيري خلاص ما بقتش طيري
ليه تزود أشواقي وانت حبيبي اللي باقي
ازاي تطيب جروحي وانت بعيد يا روحي
انا قلبي مش اله والحب عندي حاله
ليه قلبك بيخاف وانا قلبي لكي مجداف

رسائل شبابية

لكل ظالم يوم عن ظلمه للمحروم

مني اخويا ظلمني إيه تاني يألمني

بتقول وانا مالي وانت واكل مالي

خد مني ما يكفيك يوم الحساب أتيك

راح أوصي أولادي ان أنت البادي

بيقولي ساحني وهو دابحني

بسبب سوء فعلك عفريتني هيطلعلك

مال اليتيم دين باقي ليوم الدين

يا ظالم توب يكفاك إيه اللي هنا خده معاك

يا واكل مال غيرك راجع مره ضميرك

انت بس الوريث وانت غلبت ابليس

لو ملك الموت جالك بإيه ينفعك مالك
لو طالب السلامه اعطي حق اليتامه
من غير علو صوت الحق ماعمره يموت
واكل حقي ومالي وتقول عيالك عيالي
مين يحميك مني لو كنت في يوم ظالمني
لو كان في قلبك نور ما كنت في يوم تجور
الظلم ما عمره يدوم ولكل ظالم يوم
اللي يراعي ضميره ما عمره يظلم غيره
روح إمشي في طريقك وإنسي اني كنت صديقك
من بين كل الناس إخترتك تكون جنبي علشان كلك احساس وقدرت تملا قلبي
انت طوق النجاه وميه المحاياه نسيته كل همومي ولقيت قلبي اللي تاه
حب مالوش حدود وبحبك مهما يكون وباقي علي العهد يا احلي ما في الكون
قلبي بيناديكي وعيوني عشقاكي بالروح افديكي والقلب يهواكي

يوم بعد يوم حبك تملي يزيد املي حبنا يدوم ولا يوم تروح بعيد
بحبك بحبك وآخر كلام وانت حبيبي في أعلي مكان
اللي محيرني واللي واجعني انك قهرني وانت بايعني
بقيت كل ماليا وشايفه الدنيا بعينيك ونسيت كل الأسيه والدنيا أحلوت بيك
الله علي المحبه الله علي الإخلاص تعالوا يا أحبه نعيش بذوق واحساس
بحبك يا روحي يا سيد الكل يا مداوي جروحي يا ورد يا فل
لو كنت زعلان مني أرجوك أفهمني صدقني غصبا عني وزعلك بيألمني
بعد سنين عذاب جانا يوم التلاقي والجرح القديم أهو طاب والخير هو الي باقي
وحشني وانت معايا وما اقدرش علي بعدك صدقني يامنايا مالي حبيب بعدك
أنا وانت اثنين لكن بروح واحده وبقينا في الهوا عايشين ونسينا الوحده
ساعات بشوفك أناني وليه من بعيد مش شايف حد تاني وكانك في الكون وحيد
انت حبيب عنيه وماليش بعدك حبيب لكن إيه بإيديا لو كان قدر ونصيب
كل الجروح بتطيب إلا جرح الحبيب

راح نبدأ من جديد وتنسي كل اللي فات والقلب معاك سعيد ونسي كل الأهات

انت حبيب عنيه وبقيت كل حياتي يا أغلي الناس عليه بفكر فيك ليلاتي

بفكر فيك ليلاتي واقول ياتري فين واليوم يا حياتي في بعدك كأنه سنين

يا طير في الفضا طائر ان طيرك لا متي اعيش انا حابر ماليش غيرك

بنادي عليك ليل ونهار أنا عاشق ومالي خيار

سامحني يا حبيبي لأنه مش بإيدي

صدقني سألت كل الناس قالولي الفاتحه علي الإخلاص

بحبك يا صعيدي لانك في وريدي

مساء الخير علي أسوان رجولة وأدب جدعان

سلامي ليكي يا بني سويف شهامه وشباب علي الكيف

من الصين لساحل العاج يحلف بشباب سوهاج

اسكندريه وابو العباس شباب وادب واخلاص

لو كنت هناك أوهنا بلغ سلامي لقنا
عروس الصعيد يا منيا ماليكي مثل في الدنيا
روح مكان ما تروح عمار يا مطروح
من غير الصوت رجوله يا أسيوط
لوحتي في النياحه راح أقول سلام لامبابه
سلام وباللون للأردن وعمان
سلام وطويل طول علي بلد الرسول
الأصل له علامات والأدب في الامارات
عزيزه والحضن دافي يا بلد القذافي
سلام بعدد المطر لبنت العروبه قطر
ساكنه الفؤاد والعين عزيزه يا فلسطين
إمشى على مهلك : وعيش عيشه أهلك
حلاقاتك برجالاتك : مين قطع لك خلاقاتك

الى يبص وراه : ياخذ على قفاه

يقولوا عليك أليط : وانت في الأصل عبيط

إهدا بقى يا عصفور : وبلاش تعيش الدور

عيش سنك يا أمور : وبلاش تعمل زرزور

دمك يا واد شربات : وبقيت بتاع حركات

الحب بيفيد : يا حيله يا صغير

لو تلعب الدنيئه : راح اقول على الحقيقه

سنين وانا شارى : واقول يا بختى

لكن انت مش دارى : يا سبب دوختى

كم من عزيز اتهان : بسبب زله لسان

الى يكرر عيبه : إبعد عنه وسيبو

لأنك البادى : مش هابكى ع الماضى

يعنى علشان ساحتك : بتزود فى بجاحتك

ياقمر على في السما محلاك : سبحانه من نورك وفي السما علاك

يا أجمل م الهوا والنور : ياقمر على يابدر بدور

إيه عاجبك في التدخين : قطران وكمان نيكوتين

قالوا زمان يكفيك : حيره عدوك فيك

صباح الخير يامولاتي : أنا الندمان وأنا الباكي

وابات واحلم برضاكي : إنسيني وعمرى ماأنساكي

ارجوك سامح لأني : بعدك كان غصبا عني

بكل اللغات بقول : انت الحبيب علي طول

قبلت في يوم رجوعك : لأني صدقت دموعك

مش كل عيون بريئة : بتقول علي الحقيقه

بتروح بعيد وتعود : وانا باقي علي العهود

بلاش تقول كفايه : حبك مالوش نهايه

بلاش كلام جارح : لو كنت هتسامح

اليه يسامح يكون :قلبه كبير وحنون
حبيبي كذا يكفاك :لأنني تعبت معاك
كلماتك دفتر الحاني:ضحكاتك تمسح أحزاني
ايه اليه يصبرني : وانت محيرني
لو كنت انت خيال : انا مهره ومالي مثال
حتي لو كنا اصحاب :يبقي لابد حساب
لو كان الحب ندالك : كان انشغل بالك
لو حب أثر فيك : كان كله بان في عينك
مالك مكان في قلبي : ياللي هجرت حبي
فينك من زمان : يامالي قلبي حنان
علشان حبك كبير: يبقي لابد أغير
خليك فاكر ميعادي :ياساكن في فؤادي
حبيبي أنا لسه شاريك : ومالك في القلب شريك

إلي يصبر ينول مهما التعب هيطول
إلي يخون عيشه يستاهل قص ريشه
بعدك مالاقي نفسي ازاي تقدرني تقسي
يكفي العايب عيبه إبعد عنه وسيله
ازاي تقول يا حبي وانت بتلعب بقلبي
إلي يصبر يلاقي والخير هو اللي باقي
إلي يخلف وعده نادي علي اللي بعده
إبعد عني خلاص مدام مفيش إخلاص
ليه مني بتقرب وترجع وتتهرب
لاعبني علي المكشوف كذبك بقي مألوف
إبعد عني وسيسيني لو كنت في يوم حابيني
ردي يابنت الإيه بعدك ما قدرش عليه

غيا بك عني طال ارجوك طمني إمتى يعود الوصال ياساكن النني

انت الحب الحقيقي ومنورلي طريقي

رد وقول ألوه مشتاق له ياهوه

مهما يطول البعاد انت مالك الفؤاد

خليك علي عهدك ماليش حبيب بعدك

مهما يقولوا عليك حبي أنا يكفيك

لو كنت عني راضي يكفيني يافؤادي

راجع ندمان وباكي سأحيني ياملاكي

أي كلام مقبول مدام فيه قبول

أي حاجه ترضيني لو كنت صحيح شاريني

لو تعرف الي في قلبي راح تنسى الي قبل

لو كنت صريح ياروحي كنت نسيت جروحي

مهما تزعل مني يا أسمرأنت الغالي وحبي الأكبر

هو عشان صابر يبقي انا مش قادر
انا عليك بأسأل وانت بتبعد وتتقل
بتقول خلاص ماشي إيه يعني يا حافي
انتي أول وآخر حب انتي ياللي ملكتي قلبي
مستعجله وماشييه علي إيه بلا أفيه
كل ما اقول بحبك تقسي علي قلبك
انا راضي بالقسمه يكفيني لو بسمه
أملّي ترضي عني ياروحي يا حته مني
علي ايه بتدلع يا حافي يا مخلع
اذا زاد النجاح فانتظر النجاح
لو حبك بالدولار فأنا حبي بالقنطار
من صام عن الكلام عاش في سلام
عمال اقول وأعيد ياما نفسي تتعلم

خايف عندك يزيد وأخرتها هتضلم
ساعات تكون ظالم وساعات رقيق وحليم
في كل الحالات بحبك وربي العالم
الناس في الحته وفي الحاره من حزني عملوني أماره
كل ما ابص شمال ويمين ألاقى حزني على الجانبين
يا صاحب حزني مالوش اخرياريت عنى تتاخر
الندل إيه يكفيه كل دا ولا يرضيه
ياقلبي قوله كفايه ونزل تتر النهايه
عشره سنين وايام وماشى من غير سلام
خليك شاطر وفاكر : لو كنت صحيح بتذاكر
اسامح لحد امتى وانت زى ما انت
لو كان في اى مكان ترجع ايام زمان
صعيدى بيقول أبأى وهى هتقول بأى بأى

اللي يقولك كلام هيقول عليك أفلام
خساره فيك هوايا لو يوم بصيت ورايا
قدامى ابن اصول ومن ورايا بتقول
بيقول كلام يرضيك علشان يضحك عليك
انا حبيب ولهان وحبيبي في خبر كان
حقك على راسى وبلاش تكون قاسى
مطلوب اكون راضى إنى بقيت ماضى
حبك مالوش رحيه يابيه يا تلقيحه
لو كتنى فضاحه أنا عندى قداحه
بيتلومنى على حالى: ولا يوم قال مالى
لو جيت على سهوا لا شاي ولا قهوه
علشان مش قدى بلاش تدخل في تحدى
لو تقبل منى كلام يكفى بعاد وخصام

مين اللى يقدر ينسالك حبك وأدبك وحنانك
حاسبت نفسى من تانى لقيتني عمرى ماكنت أنانى
العود عود تفاح والوجه وجه قمر احلى مسا وصباح عالي ما عنده خبر
لو يوم الشمس غابت ورأسى الطفل شابت انا عمرى ما انسى حبك لأنك في القلب ثابت
دفئى الشمس فيكى والحنان جى من عنيكى لو ملكت الدنيا يوم تبقى هديه منى ليكى
بحبك عدد حبات المطر بحبك بكل لغات البشر
نفسى نظره من عنيكى نفسى أمسك يوم ايديكى
نفسى أقرب ساعه منك وإن نسيتني مش ناسيكى
أنا مين من غيرك حبك خلانى أسيرك
والعقل طلع جناح وطار ووقف على باب ضميرك
من غير ما تنادى أنا سامعك يا فؤادي
كل احلامك اوامر ومهما غبتى إنتى قصادى
زعلان منك لأنى تملى بيخيب ظنى

بيننا عيش وملح اكبر من أى جرح
لو كنا صحيح اخوات ساحننى على اللى فات
مين تانى لك غيرنا يا قاسى يا هاجرنا
الحب ما يشترايش حتى لو كان ببلاش
بادعى يعجل لقاءك ويدوم على رضاك
يا بوب إهدا وعيش مش كل الناس قراقيش

رسائل الأصحاب

الى نخون حبيبته: إبعد عنه وسيبو
ازاي أقبل حبك: وخيانتك مالیه قلبك
مالك عندي مكانه: يامد من الخيانه
لو كنت راضي عنى: رد بقي وطمني
عمر الكلام مايفيد: وانت حبيبي بعيد
يكفي البعاد طمني: زعلك ياواد جننى
راجع ندمان وباكي: سامحيني ياملاكي
قلبي تملي يقول: انت الحبيب علي طول
مهما يزيد العناد: مش هقبل البعاد
في عيونك جنه ونار: وقلبي معاك مختار
ازاي حبيبي خان: يبقي فين الأمان
حيرت قلبي معاك: من بعد ماسكنه هواك
راجع وانا ندمان: سامحنى في الي كان

كل ما آمن تخون: مش هرجع مهما يكون

الى يخون أكيد: قلبه من ربه بعيد

مش هقبل إعتذار: من خاين باستمرار

مش هقبل حبك يوم: وانت تملي تخون

ازاي يجيلك نوم: من دعوه المظلوم

عمري ما أقبل اكون: حبيبه لى يخون

يكفيني من نصيبى: انك تكون حبيبي

بص وشوف الواد والبت: حاجه تخلى العقل يشد

لما بكون جنبيك: بلاقي الدنيا فيك

لو بصوا في عيوني: ماكانوا لاموني

اعاتبك اه: أسيبك ياه

لما أنصلح حالك: غيرت أقوالك

بعد كل جروح: بتقول انساك واروح

لا بأيدي ولاذنبى: ظلمت ليه قلبي

سنين ساكت وصابر: وانت تملي تكابر

اكلمك بالذوق: وانت تقول مخنوق
ما اقدرش علي بعدك : علشان ماليش بعدك
كام يوم ما بتسلم : وغلبت أتكلم
سنين وما نسيتك : لأنني حبيتك
عمال اصرخ وانا دي : بحبك يافؤادي
عرفت بعدي ياما: من غيري فات علامه
بتقولي أي كلام : ويوماتي بينا خصام
الي يخون عهدي:مالوش غير بعدي
بقول حقك عليا : إيه تاني بأديا
يا بحر وموجه مخيف: تعبت من التجديف
إيه يعمل البحار :بحر مالو قرار
ازاي تنساني : اذا كنت تهواني

رسائل الأحباب

باسأل وأقول مالك: طمّني عليّ حالك
يا بسمة ونسمة خير براءة وقلب كبير
رأيت فيكي تملي إنك شمسي وضلي
يارحمه ونور وسعاده يا سكر تملي زياده
مع كل فجر جديد دعواتي يكون لكي عيد
يا أجمل ما في الدنيا ما قدر عليّ بعدك ثانيه
الصبر عليّ البلاء من شيم الأتقياء
مالنا إلا بعضينا وربك فوق حامينا
اليوم في بعدك سنه والقرب منك هنا
ياساكن في قلبي انت حبي وحبيبي

إيه الي كان بإيدي ياساكن في وريدي
اسمع كلامي ياطيري مالك حبيب غيري
أنا عمري ما انساكم ولا قلبي يسلاكم
إلي يدور يلاقي دنيا زي السواقي
إلي يعيش يشوف زمن مافيه كسوف
يا طير سكنه سطوح فرحت قلبي وروحي
إلي معاه جنيه الناس تقوله يابيه
الي من غير جنيه مايلاقي أهل ليه
اسمع لك في كلامك ما لاقي أهل فيه خصالك
طالب اكون راضي وانت خصم وقاضي

رسائل لتهنئه للحجاج

ناديت علي بابه وسعدت برحابه

الف مبروك حجيت وعند النبي صليت

الله عليك الله يا حاج بيت الله

حج ولك مكتوب وراجع من غير ذنوب

دموعك عند الهادي بتخلي قلبي نادي

أديت فرض الله مبروك عليك رضاه

من زمزم ارتويت وعند الحبيب صليت وليت

وانت علي عرفات إشملنا بالدعوات

ربك كريم وعطوف ويغفر للضيوف

راجع من عند الهادي قلبك أبيض ونادي

لبيت ندا الرحمن ورجعت بالغفران
راجع من عند نبينا وكسبت رضا بارينا
رحم الله في بيته ودعوته وليته
لبيت لله نداه مبروك عليك رضاه
يا لابس الإحرام بلغ نبينا السلام
غافر لمن زاره وكريم بزواره
راجع سعيد وراضي بعد زياره الهادي
مبروك علي العمره يا جي من نمره
ربك كريم ستار وبيكرم الزوار
لحج البيت نويت وعلي الصفا سعت
لبيت ندا الرحمن ورجعت بالغفران

رسائل رأس السنة الميلادية والهجرية

في رأس السنه الميلادي لك الحب يافؤادي

في راس السنه بقول إنت الحبيب علي طول

في رأس السنه أهنيك يبارك ربي فيك

في رأس السنه سلامي يدوم حبي وغرامي

في راس سنه سعيدة تعالي نفتح صفحه جديده

في عيد رأس السنه يارب يدوم الهنا

في رأس السنه ياخلي ساكن في قلبي تملي

في رأس السنه ياروحي قربك طيب جروحي

إلي يطيع مولاه ينزل في قلبه هداه

في هجرة المعصوم إستغفر القيوم

في عيد هجرة نبينا الف صلاه يا هاديننا

في الهجرة لنا عيد يا أمة التوحيد

خليك مع ربك علشان ينور قلبك

في الهجرة دروس وعظات ونسائم ونفحات

في رأس السنه ياخلي ساكن في العين والنتى

في عيد الهجرة نور وبشر وسرور

في عيد هجره الهادي حبه ملئ فؤادي

في هجرة نبينا آيات ومنح وبشرات

في هجرة الحبيب خليك من قلبي قريب

إبدأ العام بطاعة حتي تنول الشفاعة

رسائل بر الوالدين

من الطاعات يرضيك برك بوالديك
إيه في الدنيا يهملك بعد رضا أمك
من يسمع لوالديه ربه يرضي عليه
اسمع كلام والديك ربك يرضي عليك
ربك وصاك عليهم يرضيه ما يرضيهم
من يغضب والديه ربنا يغضب عليه
دعاء الوالدين مكسب دنيا ودين
إوعه الغرور ينسيك برك بوالديك
لو تخسر والديك من تاني يشفع ليك
كل كلام نبينا بالأهل بيوصينا
البركة في دعاهم إياك تنساهم
خليك لطيف وحنون د أبوك مهما يكون

أنت ومالك لأبيك كلام من النبي يكفيك
خليك كريم حساس وشيلهم فوق الراس
ياأمي ياحته مني أرجوكي ترضي عنى
أزاي تدخل الجنه وقلبك ما فيه محنه
كل مساء وصباح أطلب السماح
ارحم والديك تلاقىها في بنيك
الي يرحم والديه الرحمه تعود عليه
برضاكي أنا راضي يأسكنه في فؤادي
إيه في الكون يرضيك من غير رضا والديك
ربك وصاك عليهم إياك تفرط فيهم
ماشي ولا همك إحذر غضب أمك
معاملتك والديك دين مكتوب عليك
رضا ربك عليك بعده رضا والديك
أنت ومالك لأباك ياابني النبي وصاك

ياتري إيه نساك تسع شهور حاملًا - حملك
الخير في رضاهم والبركه في دعاهم
مهما إشتد عودك هما السبب في وجودك
مهما تكون جرح الأم بتسامح
سهر و عليك الليالي وباعوا بالرخيص الغالي
قرآن ليوم الدين وصانا بالوالدين
لو كان الخير فيك كنت بريت والديك
الأهل والوالدين وصاهم فرض عين
يا أمي يا حته مني يكفاني رضاكي عني
خصيمك الأمين ما تعصي الوالدين
قبل راس والديك ربك يرضي عليك
كله سلف ودين ياعاق الوالدين
مين في الكون مين يرضي بعاق الوالدين

رسائل تهنئة العرائس

ألف تحيه وبوسه علي أجمل عروسه

علشان بالحب تتهني امشي علي هدي السنه

مبروك عليك ياواد جميله وبنت زواد

عريسك علي مقاسك شرفت كل ناسك

عريسنا الله عليه أدبه ياناس يكفيه

علشان تكون راضي إطوي صفحة الماضي

قولوا للعريس مبروك ياابو الأدب والزوق

عروستك بنت ناس عاملها بزوق وإحساس

مبروك عليك ياحيله فرحت كل العيله

مين أجمل من عروستنا كملت بها فرحتنا

ليلتك ولا كل ليله عروستك ذوق وجميله
لايقه والله عليك شيلها جوه عنيك
لا سهر ولا تأخير بقالك عش كبير
لك أجمل التهاني مبروك علي النص الثاني
مبروك عليك ياديك بقالك في الكون شريك
مبروك يا ابو الجدعان فرحك في كل مكان
خليك حنون وهادي تعيش مستور وراضي
إتقي الله فيها خليك ودود وراعيها
مبروك يا عريس عليك فرحك باين في عينيك
افتح للأفراح ابوابك مبروك مني ومن أحبابك

رسائل شهر رمضان المبارك

رمضان شهر التروايح والذكر والتسايح

الصوم عن النميمة نجة وغنيمة

رمضان على الابواب التوبة ياأحباب

هنصوم عن المعاصي وندعوا لكل عاصي

رمضان بالخير جاء فأكثر من الدعاء

يكفي أثام وذنوب إرجع لله و توب

رمضان بالخير جاء على كافة الارحاء

رمضان على بابك يا مخاصم أحبابك

يارب يارحم إقبل صيام رمضان

الصوم عن الزاد زخر ليوم الميعاد

رمضان بينادي عليك مد بالخير أيديك

في الصوم لله سفينه النجاه

لك الحمد يا مولانا رمضان بالخير جانا

رمضان كريم عليك وربك قادر يرضيك

رمضان على الأبواب يا مخاصم الأحاب

رمضان على بابك إفتح لأحابك

احرص على الصيام والذكر والقيام

تغفر لك الذنوب وتكسب رضا الرحمن

صوم للقهار وصلّى في الاسحار تدخل الجنة برحمة الغفار

رمضان شهر الخير والرزق الوفير

فأطعم المساكين ولا تحرم الفقير

رمضان شهر العبادة والصحة والسعادة

رمضان شهر القرآن والبر والإحسان

رسائل دينية

في وقت الأسحار إستغفر الغفار

ابكى على بابه تبقى من أحبابه

دعانا في ليله القدر العفو يا مقتدر

إدعى وردد معانا اغفر يا مولانا

مالك إله غيره سنين عايش في خيريه

ارفع لله يداك واطلب من مولاك

عالج قلبك داويه تلقى الهدايه فيه

بقلوب لله بتخشع إذهب البأس وإرفع

لو في قلبك غرور روح زور القبور

ارفع لله يداك وقوله مالى سواك
اللهم يا مولاي ماتردلى دعائى
ارجع لله وعود تلقى الغفار موجود
إستغفر الغافر وخليك حامد وشاكر
إبكي لله وبوح باب التوبه مفتوح
لو ترجع للغفار تلاقيه حلیم ستار
ربك رب قلوب لكن العمل مطلوب
ارجع يا ابو قلب قاس يكفي ذنوب ومعاصي
ارفع يداك لله تكسب حبه ورضاه
اللي رجوعه قريب يلقي من التوبه نصيب
عايش بعرض وطول وامام الله مسئول

متفرقات

ألف سلامه عليك يا عمنا يا جميل ترجع لنا بالسلامه ولك العمر الطويل
صدقني كل الناس بتدعى لك بإخلاص والاف سلامه عليك ربك كريم يشفيك
في كل ليل ونهار بادعى باستمرار يشفي حبيبي الغالي ببركة المختار
يامن شفى أيوب ونجا ابراهيم فرج كل الكروب وإشفى كل سقيم
خليك مؤمن وصابر وربك على الشفا قادر
كله بأمر مولاك سامع دعانا ودعاك
قادر يرفع عنك ويعجل لنا بشفاك
كل مريض ومصاب ولو شوكة يا أحباب
بتكفر عنه ذنوبه وتنفع يوم الحساب
مرضك هيبه وخفيف لان الله لطيف
اللي يرضى بنصيبه ويصبر ع اللى يصيبه يلقي ربه معاه وقادر يستر عيبه
أيوب لما صبر على أمر الإله

ربك اذن له وأمر وكتب له النجاه
قول يارب أيوب خفف عني وتوب
ربك فرجه قريب إرفع ايديك لفوق
يشفى كل عليل وترجع لنا وتفوق
يارب يامولانا إرفع عن مرضانا
يارب ياستير اجبر كل كسير
غيابك عنا يوم يزيد قلقنا عليك
ربك رحيم قيوم قادر تعالى يشفيك
ارضاً بأمر مولاك وادعى يعجل شفاك
يارب ياواحد قار يامولانا
بادعى وانا ساجد تشفى لنا مرضانا
ارض بأمر إله ما احلى الصبر جميل
ينزل عليك شفاه ولك العمر الطويل

رسائل الأسماء

نهر فان : انا قلبي يا نهر فان يا يقبل الي خان

فاطمه : يا بطه يا قطه يا بنت الإيه قلبي فيه الي مكفيه

ميرفت : أنا دمعي فوق حدودي بيقول يا ميرفت عودي

سهير : بطول البال يا سهير المركبه هتسير

جوليانا : خايف تكوني نسيانا فينك يا جوليانا

اسمهان : قلبي في خبر كان الرحه يا اسمهان

شاديه : قلبك أبيض وهاديه أروح لمن يا شاديه

شيرين : ساكنه الفؤاد والعين حببتي الغاليه شيرين

جماليات : مش نادم علي الي فات مدام معايا يا جمالات

نشوي : الدنيا عندي نشوي ومن غيرك الدنيا ما تسوي

فيريال : ارتحت وراق البال من يوم قربك فريال

مريم : يا مريم قلبي قال بعدي عنك محال

وداد : لودار الزمن وعاد ما هاحب غير وداد

شذي : يا شذي إيه يرضيكي غير اني بحلم بيكي

بوسي : خايف منك يا بوسي في يوم علي قلبي تدوسي

زهرة : يروح فين يا زهرة خيال وعينه علي مهره

زيزي : كل شئ إيذي إلا فراقك يا زيزي

لولا : فريق كبير يا لولا بين الغرام و الطاوله

صافي : قلبي بحبك دافي يدوم حبك يا صافي

هاجر : بقيت بالحب أسيرك يا هاجر مالي غيرك

حنين : مهما تعدي السنين ما عندي غير حنين

فاتن : بقيتي روعي يا فاتن وفي قلبي حبك ساكن

ساندرا : بحبك من سنين وبتسألني أنا مين

لوفي : نساني حبك خوفي يدوم حبك يا لوفي

رودينا : ما أصبحنا وما أمسينا إلا و نحلّم بقرب رودينا

إنجي : انجي يا ملاكي انا وروحي فداكي

محبوبه : ليه الهجر يا محبوبه و أيام الدنيا محسوبه

سوزي : سوزي يا أغلي مالي فداكي روحي ومالي

هنادي : قلبي يوماتي ينادي فينك يا هنادي

سيمون : أجمل شيء في الكون حبك يا سيمون

شهرزاد : حبك عندي ميه وزاد وانتني منايا يا شهرزاد

عبله : راح امسك زار وطبله وأغني في حب عبلة

ياسميننا : انتي الي منوره ليالينا وشمسي وضلي يا ياسميننا

فردوس : ليه يا فردوس قلبك علي قلبي يدوس

آيات : آيات يا طوق نجاتي حبك نورلي حياتي

نجوي : نجوي عودي يكفيكي قلبي بيبكي عليك

جواهر : طول الليل وانا ساهر في حبك يا جواهر

أنوشكا : لو في السلوم أو توشكا ما يفارق قلبي أنوشكا

نظيره : ارجوكي يا نظيره راعي أني شديد الغيره

أنغام : انغام مالي سواكي سبحانه من سواكي

عبدالله : عبدالله يا غالي قربك بيحلالي

جواد : الفرح لقلبي عاد برجوعك يا جواد

أبو طالب : مالي في الكون مطالب غير حبك يا أبو طالب

صقر : صقر وماله مثال وفارس شجاع وخيال

زهدي : حبك في القلب يا زهدي وباقيه علي عهدي

عمار : أنا قلبي ماله خيار في حبك يا عمار

بشار : بشار بالخير ياروحي قربك تطيب جروحي

لطيف : لطيف مالي سواك وقلبي عايش بهواك

مللوم : قلبي حزين مهموم لفراقك يا مللوم

عيسي : عيسي أنا ما نسيتك ومن كل قلبي هويتك

مدكور : قلبي حزين مكسور من يوم غياب مدكور

رياض : رياض قلبي وزهوره فتح علي قلبي ونوره

زاهد : حبيبي الغالي زاهد ربي علي حبي شاهد

شاهين : أنا لي غيرك مين لو غبت يوم يا شاهين

شكري : شغلت قلبي وفكري أرجوك ارجع يا فكري

سياف : سياف مهما يكون قلبي حبك بجنون

زاهي : زاهي تعبني خصامك والشوق خدني لسلامك

مهران : حبي علي قلبك هان ونسيت أيام زمان

لؤي : من يوم حبك يالؤي وأنا مالي زي

سعيدود : ما عمر الفرح يعود إلا بحبك سعيدود

محمود : الحب ما كان له وجود من قبلك يا محمود

بكار : بحبك يا بكار جد مش هزار

سعد : أنا لي مين تاني لما انت تنساني

عطيه : ساكن روحي وعنيه هو انت عندي شويه

مساعد : يا مساعد ليه تألمنا ما دمنا ليك سلمنا

غالب : غالب لاني حره قلبي ما ييات بره

فتوح : قلبي أنا مجروح لغيابك يا فتوح

مخلوف : أجمل كلام وحرف لحبيبي الغالي مخلوف

منصور : قلبي حزين مكسور لفراقك يا منصور

نافع : اللي يخون يا نافع ماليه حبيب ولا شافع

نايف : خايف منك يا نايف لتكون علي غيري لايف

ماجد : ماجد كتبت رسائل لكن البخت مايل

غيث : يا غيث لو ناوي تلعب معايا يا واد راح تتعب ويايا

زيدان : يا زيدان رد علينا علشانك ياما عانينا

طبلاوي : لو كنت لسه هاوي إبعد عني يا طبلاوي

حميده : يا حميده طال غيابك ونسيت أهلك واحبابك

شفيق : في وجودك يا شفيق بانسي الهموم والضيق

ليب : مهما عني تغيب انت الحبيب يالبيب

خيرات : قلبك كبير خيرات سامحني علي الي فات
محروس : الحب يا محروس بيسمو بالروح والنفوس
قطب : كل الي فيك يا قطب إخلاص وطيبه وحب
ناصر : مالك قلبي وأسراًرجوك ترجع يا ناصر
سعودي : ازاي تقولي عودي وانت بتخلف وعودي
مؤمن : نفسي تصدق وتؤمن إنك حبيبي يا مؤمن
مشاري : ما تقولي يا مشاري بايع ولا شاري
لطفني : صدقني يا لطفني أسفك وما يكفي
سيمون : مهها يحصل ويكون بحبك يا سيمون
جورجيا : لو رحتي ما تنسينا وكلمه منك ترضينا
ديانا : ليكي في قلبي مكانه وما فيه غير ديانا
إليزابيث : ارجوكي يا حته مني زعلك كان غصب عني
ميري : العمر عدى وجري إمتي تعودي ياميري

كلوديا : يا أجمل ما في طريقي انتى الحب الحقيقى

شيرى : مرعوب وخايف يا شيرى من غير ما تكونى لغيرى

ساندرا : يا أجمل الأسامى حبك نسانى ألامى

مارى : بتحبى ليه وتدارى دا الحب جميل يا مارى

مجيد : أملى تكونى سعيدة يا حبيبتى يا مجيد

لويزا : ان كان ابو الهول في الجيزه انتى في قلبى يا لويزا

لولا : من أول يوم يا لولا وشمس الحب طله

شاكير : قبلك كان قلبى فى حيره ولا يوم فرح يا شاكير

نانى : بعد الغرام يا نانى ازاي تقولى إنسانى

إيفا : إيفا انا بسئل نفسى ازاي تقسى ونسى

روبي : روبي طالب السماح وتعالى تنسى الى راح

ظريف : مادام حبيت يا ظريف تعالى نرفع التكليف

وسام : ولا فيه فى الكون كلام يوصف حبيبى حسام

غالى : كلك ادب ومثالى يا حبيب الروح يا غالى

كرستين : من بعدك يا كرسطين قوليلي أروح لمين

تريزا : علي قلبي تملي عزيزه حبييتي الغاليه تريزا

إيمي : يا ايمي مالي حيله الرحمه يا جميله

فيبي : ما التحمل يوم تغيبني عودي لقلبي يا فيبي

جورجيت : جورجيت انا في انتظارك وقلبي راضي بقرارك

كرستينا : جيتي يا كرسطينا غيابك صعب علينا

إيفون : حبييتي الغاليه إيفون قلبي حبك بجنون

ماريا : حبك يا محلاه نساني قوله أه

جاكلين : قوليلي زيك مين يا حلوه يا جاكلين

ناديه : ناديه بلاش تروحي وتزودي في جروحي

سوزان : عمري ما أحس بأمان وانتي بعيد يا سوزان

سلفانا : باسأل ليه نسيانا يا حبييتي يا سلفانا

كارولين : ساكنه الفؤاد والعين حبييتي يا كارولين

نانسي : نفسي تهدي وترمي ونعيش أحباب يا نانسي

فريال : سنين وانا ميال وبحبك يا فريال

فيفي : يا فيفي ليه تسأليني وانت في نن عيني

عايده : كل شئ بفايده إلا الخصام يا عايده

ليندا : قلبك شقي ياليندا وقلبي محتاج مسانده

داليدا : أملي يا داليدا تعيشي حياه سعيدة

مريم : مريم احترت فيكي قوليلي إيه يرضيكي

مروه : من أول نظره يا مروه أمنت بـك ثروه

ريم : اسأل ربى العظيم يدوم حبك يا ريم

شهد : واخذ على نفسى عهد ما افارقك يوم ياشهد

شروق : الدنيا تضيق وتروق والصبر جميل يا شروق

شمس : انا سبع جسور وعشانك أعدى بحور

أزهار : في عيونك جنه ونار والقلب عشق أزهار

رقية : لو كان الأمر بإديا ما كنتى فارقتى عنه

أمانى : إيه ناقصني تاني وجنب منى أمانى

تهاني : بقتى سكنى وعنوانى واهلى وناسى وخلانى

روان : بقولها في كل مكان ماعندى غير روان

نورهان : فينك من زمان وحشانى يا نورهان

ساميه : يا ساكنه جوه القلب علمتى قلبى الحب

انشراح : في كل مسا وصباح بادعيلك يا انشراح

ألاء : لكل مريض دواء وأنا دوايا ألاء

ساره : حبك له ألف أماره والشوق بياخذنى يا ساره

حنين : شغلتى القلب والعين والسعد في قرب حنين

حبيبته : دايمًا من قلبى قريبه والعين عشقت حبيبته

منار : لو عاد الزمن ودار ما اختار غير منار

سالى : من أول نظره ياسالى اتغير فكرى وحالى

نادين : حتى لو قابلت مين ما ها حب غير نادين

نورا: يا اطيب قلب يا اجمل صوره يا مالكة الفواد يا غالية يا نورا

ريهام : حبك زادني رفعة ومقام وساكنه فؤادي يا أجمل ريهام
ندا : بحبك و حاسس بكل الرضا ويكفيني إنني معاكى يا ندا
سميره : حبك في قلبي ومكانك كبير وانتى حياتى وانتى العبير
مايسه : حبك مطر غمرني ولسه واحلى ايامى معاكى يا مايسه
ايمان : بحبك وبقولها في كل مكان ولا عمرى انكر حبك ايمان
آية : معاكى عشت أجمل حكاية وانتى البداية وانتى النهاية
حسناء : كلك أخلاص وكلك وفاء وفيكى البراءة يا أجمل حسناء
صفاء : بحبك يا صافي ورب الكون ولا يوم أبعد ولا يوم أخون
هدير : يانسمة حياتي يا أجمل عبير مكانك ومقامك عندي كبير
أميره : بعدك عني خلاني في حيره ومالي بعدك يا أجمل أميره
حنان : نسيت الألم فارقت الأحزان يكفيني القرب منك حنان
داليا : هتبقي في قلبي أميرة وغاليه وعمري ما أقبل غيرك يا داليا
فاتن : حبك في قلبي أتمكن وساكن وكل مرادي قربك يا فاتن
ناديه : بحبك لأنك أصيله وراضيه وكل منايا رضاكي يا نادية

سماح : في كل مساء وكل صباح وكل ما في بيعشق سماح
غادة : يا أجمل ماليا يا سكر زياده وأبيع الدنيا عشانك يا غاده
مديحه : بحبك لأنك معايا يا صريحه ومنايا وهنايا في قربك مديحه
ملك : ولاحد لقلبي إمتلك غير الأميره ملك
نبيله : يوماتي بشوفك أمينه واصيله وشايفك جميله وكللك أصيله
عفاف : عمري ما اقلق يوم أوأخاف وإيدي دايا في إيدك عفاف
أسماء : لوجف النيل من الماء وأختفت النجوم من السماء لن ينضب قلبي بك وسيبقى الحب
لأسماء

سعاد : ولا أقبل يوم بعاد عن الحبيب سعاد
هنا : بقينا منك وبقيتي مننا ولو نسيتي مين ينسي هنا
رحاب : حبك نساني الصباح والأهل وكل الأحباب
أمال : بعدى عنك محال ياروحي يا أمال
ليالي : علي أيدك أغير حالي وبقيتي حبي ومالي
أمل : بقربك فرحي أكتمل وسكنتي القلب يا أمل
صابرين : ماليكي علي يميني ما بحب غير صابرين

شهد : وأخذ علي نفسي عهد ما أفارقك يوم يا شهد

شاهنده : كل يوم من ده حب وغرام يا شاهنده

خلود : في ركوعي وفي السجود بادعيلك يا خلود

أمينه : أنا وأنتي في سفينه ولبر الحب رسينا

نهله : حب من أول وهله يا أم الحنان يا نهله

جميله : مالي في حبك حيله يا أصيله يا جميله

نوال : كل يوم في حال عودي بقي يا نوال

نانسي : خايف يوم تنسي إننا أحباب يا نانسي

ناريان : حبك ماله أوان وفي قلبي من زمان

فريده : دعواتي تكوني سعيدة ياغاليه يا فريده

زاهيه : يازاهيه يادهيه يابنت الايه فيكي غرام ما اقدرش عليه

نورا : أطيب قلب وأجمل صوره هي حببتي الغاليه نورا

منه : مين يبعدك عنا أو يقدر ياخذك منا

فيفي : هي ربيعي وهي خريفي وهي حبيتي وهي ليفي

رباب : ماليش بعدك أحباب من بعدك يارباب

سماهي : انتي الماضي وانتي الحاضر وقلبي يوماتي ينادي سماهي

لينا : إيه الي باقي لينا لو رحتي بعيد يالينا

لنا : أنتي الفرحة وأنتي الهنا وانتي روعي وعمري أنا

ورده : ياورده من غير شوك أصيله وكلك ذوق

سماهي : طول الليل وأنا ساهي بفكر فيكي يا سماهي

نجاه : من غيرك قلبي تاه وغريق طالب النجاه

نهال : مشغول والقلب مال ولايعرف غير نهال

نوران : جميله والجمال فتان الرحمه شويه يانوران

هدير : قلبك تملي كبير ساهي بقي يا هدير

جنات : الي جاي والي فات وبكره لينا يا جنات

رؤيه : كلك ذوق وراقه ست البنات يارؤيه

عتاب : أقرب من كل الأحباب ونسيتني الناس يا عتاب

رغده : معاكي نسيت روحي يا رغده طيبتني جروحي

هبه : من أيام الصبا ساكنه الفؤاد يا هبه

شيرين : مين الي قال مين إني يوم انسي شيرين

مياده : حياتي قبلك ساده ومعاكي سكر زياده

نجلاء : ولا كذب ولا رياء مافيه أجمل من نجلاء

سمر : حتي الشمس والقمر بيقول أه من سمر

سونيا : حبك نورلي الدنيا وقربك نعيم يا سونيا

غرام : إزاي اعرف انام وانتي بعيد يا غرام

انتصار : العقل مني طار في حبك يا أنتصار

رندا : خليكي فاكركه يارندا اناحي مش الابدنا

رحمه : طالعه في قلبي وحمه كشفت لقيتها رحمه

نجوي : حبك كان زي العدو في قلبي وروحي وعقلي يانجوه

نوال : بدر البدور ياخال أيه يجي جنب نوال
ناني : راح أقول من تاني ما بحب غير ناني
نهاد : شغلني ليه الفؤاد ورحتي بعيد يانهاد
جنى : غريب ومش من هنا طالب الود يا جنى
رقيه : ما في حد مالي عنيه غير الأميره رقيه
ياسمين : مين في البساتين أجمل من ياسمين
إيناس : لا عندي يا قوت ولا ماس لكني عايش باخلاص
الهام : معقوله يا الهام كل اللي بنا سلام
حبيبه : تملي من قلبي قريبه ولا ليا غير حبيبه
حنين : مهما تعدي سنين ما في قلبي غير حنين
عبله : راح أمسك طار وطبله وأغني بحبك يا عبلة
فايزه : انتى المنحه وانتى الجايزه وأنتى ملاكي ياغاليه يا فايزه
دلال : قلبي طلب الوصال حني بقي يا دلال
بسمه : يا بسمه يا نسمة ياورد ياقل يا شمس يوماتي علي تطل

اسماء : يا أجمل الأسامي واحب نداء عليكى بنادي يا أسماء
ولاء : عيونك بريئة ووجهك ضياء تملي في بالي صباحاً ومساء
ياسمين : يا أحلي من كل الحلوين بحبك بحبك يا ياسمين
مني : معاكى الفرح معاكى الهنا وانتى مرادى وانتى المنى
خلود : ماليكى مثال فى الوجود وقلبي فى هواكى ماحل الصمود
هبة : بحبك من أيام الصبا بحبك بحبك يا أجمل هبة
جيهان : مين له فى قلبي مكان غير الحبيبى جيهان
سمر : يا شمس يا ضلي يا أحلي قمر فى قلبي تملي يا أجمل سمر
منال : بعدى عنك د أكبر محال ومين فى قلبي غيرك منال
سحر : حبك فى قلبي كموج البحر وانتى الحبيبى يا أجمل سحر
هاله : اسمك عندي بيعملي حاله ومين يكون غيرك يا هاله
نور : ياست الكل يابدر البدور يكفيني منك نظره يانور
ريهام : حبك خلاني فى حالة هيام ولا عمري اعشق غيرك هيام

منه : مين يتحمل بعدك عنه عودي وسامي يا روعي يا منه

رنا : يومي في بعدك كأنه سنه لأنني عشقتك يا أجمل رنا

وفاء : يا أجمل معاني يا أجمل نداء يا كل الأمان يا أحلي وفاء

هنادي : بأسأل عليكي ويوماتي بنادي ياسكنه فؤادي يا أجمل هنادي

شيماء : انتي النور و أنتي الضياء صورتي في بالي يارمز العطاء

دعاء : في كل صبح وكل مساء بأصرخ بحبك يا أجمل دعاء

شريف : حليوه ودمه خفيف وساكنه الفؤاد يا شريف

هاني : راح أقولها من تاني بحبك موت يا هاني

معتز : انا ما يوم أهتز لأن حبيبي معتز

راضي : حب وعطاء غير عادي ياسيد الكل يا راضي

جمال : مهما الصبر طال انا في انتظار جمال

سمير : انا قلبي في أيديك أسير افرج عنه يا سمير

فؤاد : قلبي ما حمل بعد ارجع بقي يا فؤاد

سعد : عمري ما أخلف وعد خليك فاكر يا سعد

وليد : يوماتي في حب جديد مع حبيبي وليد

باهر : صادق والقلب طاهر حبيبي العالي باهر

مراد : كل شيء بميعاد اصبر حبه يا مراد

حسين : شهم وصريح وأمين ييتي حبيبي حسين

شهاب : نسيت كل الأحباب لما عرفت شهاب

أحمد : أحمد يا حماده حبي معاك في الزيادة

نبيل : سهرت فيك الليل خليك فاكر يا نبيل

سعيد : ازاي ييتي عيد وسعيد عني بعيد

علاء : يا أجمل الاسماء حبيبي العالي علاء

ممدوح : كل شيء بيروح إلا حبيبي ممدوح

لؤي : جميل وماله زي مين زيك يا لؤي

وليد : انت حبي الوحيد يا غالي يا وليد

عماد : لو كان للقلب ميلاد ييتي يوم حب عماد

خليل : عمر القلب ما يميل إلحبيبي خليل
سامح : ياواد يا ابورمش جارح ياواد ياللي اسمك سامح
شادي : كل شئ في حياتي عادي إلا بُعدك عني يا شادي
حسام : من إمتي كان السلام لغة الحبيب يا حسام
علاء : له مني التحيه وله مني الشاء الي تؤم روعي حبيبي الغالي علاء
سالم : هادي ورومانسي وحالم ساكن الفؤاد يا سالم
كمال : لا مال ولا جمال الحب أساس يا كمال
عبدہ : يافرح قلبي يا وعده من قرب حبيبي عبده
جلال : يكفيني منك سؤال ويرضيني مايرضي جلال
سيف : لأن قلبي ضعيف ارجع بقي يا سيف
إسلام : لا أقبل البعاد ولا اقبل الخصام يكفيني من الدنيا قربك يا إسلام
عنتر : هو الأول هو الأخطر هو حبيبي الغالي عنتر
صلاح : في كل مساء وصباح بادعي لحبيبي صلاح
مروان : مخلص قوى إنسان وفي قلبي في أعلى مكان

عاشور: لو بينا الف سورما يفرقونا يا عاشور
يعقوب: يا حلو يا حبوب وحشتني يا يعقوب
زياد: الفرح لقلبي عاد من يوم رجوع زياد
هشام: مهما يزيد الكلام ما بحب غير هشام
نادي: ساكن تملي فؤادي يا روح الروح يا نادي
فريد: مع كل فجر جديد الف سلام يافريد
أيمن: علي قلبي وروحي مهيمن بحبك موت يا أيمن
علي: حبك في قلبي علي من أول يوم يا علي
شاكر: خليك تملي فاكر إنك حبيبي يا شاكر
مهاب: من غير أسف وعتاب انت الحبيب يا مهاب
هاني: عمرك ما كنت أناني وعفيف النفس يا هاني
حامد: حامد ماليش غيرك وعلي كل كتر خيرك
جابر: شفتك كبير وصابر وماليش صاحب غير جابر

مختار : راح أكمل المشوار مع الحبيب مختار

فهد : سنين يا فهد معاك انكوي علي نار هواك

مصطفى : ليه البعاد ليه الجفا دي أول غلطه يا مصطفى

سلام : من غير كتير كلام مالي غير سلام

سلمان : أنا قلبي مش ندمان ابعد عنه يا سلمان

خطاب : من بين كل الصحاب اخترتك يا خطاب

امير : علشان قلبك كبير حبيتك يا أمير

ابراهيم : خلي بالك طويل الصبر يا أبوخليل

جمعه : يا آخر الأسبوع بلاش بكاء ودموع

أمين : جمال الروح والدين أجمل ما فيك يا أمين

بكار : مفيش بينا أسرار حبيبي اسمه بكار

هارون : علشان تجيب الجون لازم يكون فيه مأزون

فهيم : ربى قادر وعليم يدوم حبك يا فهيم

ماهي : حبك على ظاهر وسكنت القلب يا ماهى

درويش : ازای من غيرك اعيش وانا قلبى عشق درویش

مرسى : اهدا بقى وارسى على بر يا عم مرسى

بدر : بدر يا منور سمايا إنت حبيبي وانت هوايا

نجم : دايمنا منور ليلي وإن غبت يبقي يا ويلي

شحاته : حبك ماشي تا تا تا اسرع قوام يا شحاته

وهبه : من غيرك عيشتي صعبه ارجع أرجوك يا وهبه

شكري : ولايوم تغيب عن فكري رايح علي فين يا فكري

رفيق : حبيب وكمنا صديق يبقي مين غير رفيق

بدير : في قلبي له تأثير وغرام وحب كبير

عامر : ومين يقدر يغامر وعنك يبعد يا عامر

شاكر : أنا عمري ما كنت ناكر ولا اخون صاحبي يا شاكر

سلامه : نظره أو ابتسامه تكفي منك يا سلامه

حبيبي : إنا موافقه علي الجواز بحصيره ولبه جاز

أحمد : لو طيف الحب زارك تلاقيني في أنتظارك

حبيبي : قلبي ضعيف مش قادر ولا حمل قلب غادر

نادي : يا ابو وش جميل ونادي قرب من قلبي ونادي

حبيبي : لوها تخلف ميعادك يبقي الراحة في بعادك

مسعود : سلامي لك يا مسعود ورب هنا وهناك موجود

أبو الحسن : سلامي لك يا أبو الحسن يا أبو الجود والأحسان

ماجد : بادعيلك وأنا ساجد يبارك فيك يا ماجد

صبري : في نهاري وليلي وفجري شاغل البال يا صبري

ناجي : أأمرني وانا أجي علي عيني يا عم ناجي

ربيع : أسئل ربي السميع يدوم قربك يا ربيع

فاروق : أبو الادب والذوق حبيبي الغالي فاروق

معاذ : أنا لي مين ملاذ غير حضن حبيبي معاذ
شهاب : عم كل الشباب وسيب الكل شهاب
عشري : يا عشري يا أنسان سامحني في اللي كان
سليم : طيب القلب حلیم وصادق القول سليم
سعد : اللي يخالف الوعد ماليا مكان يا سعد
سعد : مهما يطول البعد ساكن الفؤاد يا سعد
أسامه : لرجولتك ألف علامه ويكفي أدبك يا أسامه
شادي : لو كنت في آخر الوادي هتفضل قريب يا شادي
جابر : عطائك كالبحر الهادر مين زي حبيبي جابر
عبدالخالق : بحلف بربي الخالق وحشني يا عبدالخالق
تامر : أنتي الناهي والأمر بعد الله ياتامر
مراد : مهما الهم زاد أنساه بقرب مراد
حسني : خايفه قلبك يدوسني ويفوتني ويجري يا حسني

ابراهيم : طال علي الليل في غيابك يا أبو خليل

رؤوف : لأنك أمين وعطوف حبيتك قوى يارؤوف

حبيبي : واقف ليه بإستمرار والحب مالو رادار

حبيبي : أيه يعمل المال لي بختك مال

حبيبي : ليه تمشي ورا عندك مالي شئ عندك

فارس : يافارس لوخيال فأنا مهره ومالي لجام

بادي : كل شئ يداري الا الحب يابادي

حمدان : لكل شئ أوان الا الحب يا حمدان

فهمي : بعقلي أنا وبفهمي حبيتك موت يافهمي

سراج : أنت يا منور حياقي أنت يا ملألاً ليلاتي

ياسر : أنا قلبي هو الخاسر لو رحت بعيد يا ياسر

جابر : سنين وأنا قلبي صابر آخرتها إيه يا جابر

عاطف : حبك شديد ووعاصف الرحمه شويه يا عاطف

رفيق : معايا في وقت الضيق ولأقبل غيره صديق

بهاء : سامع في قلبك نداء بيقول يوماتي بهاء

الصاوي : لو كنت جد وناوي تعالي علي البيت يا صاوي

بسيوني : مهما الناس لاموني بحبك يا بسيوني

ملاك : أمني في الكون قربك وسعيده وأنا جنبك

صبري : لو كان طريقنا طويل أنا صبري مالو مثل

نور : قلبي حزين مكسور من يوم غيابك نور

رسائل اهلاويه حمراء

خلى الى يقول يقول دا الأهل شرحه يطول

بصوا وشوفوا يا ناس الأهل عدى وداس

سمعنى كمان سمعنى الأهل ييمتعنى

بلادى بلادى بلادى الأهل أحسن نادى

خليك فاكرا يا مصرى الكأس للأهل حصرى

قول قول قول الأهل غالب على طول

الأهل فى أعلى مكانه والكاس والدورى أمانه

الأهل يا حديد من الدلتا للصعيد

الأهل يا جدعان شرفنا فى اليبان

مهما يقولوا عليه الأهل ما فيش زيه

قولوها لكل الناس الأهل دورى وكاس

يا أهلى يا حبيب سلملى ع الخطيب
لو حتى مشيو الكل الأهلى زى الفل
واحد اتنين يا جدو خليكوا معانا وعدو
خلاص هنقول ونذيع الأهلى فوق الجميع
الأهلى يا فابريقه وريهم أبو تريكه
احنا ملوك الكوره والأهلى في احسن صوره
جمهورنا احسن ناس وبنشجع با خلاص
الأهلى بعت إنذار وخوف الكبار
على مر السنين الأهلى زيه مين

رسائل زملاؤيه بيضاء

بقينا في احسن حاله بنجم النجوم شيكابالا
سويسي أو قناوي بحبك يا زملاؤي
كل يوم في جديد بشيكا والعميد
زمالك ياملوك الكوره مين غيرنا منور في الصوره
مبروك عليك يا زمالك وطريق النصر سالك
قولوا معنا في كل مكان الزمالك عزف الألحان
احنا ملوك الكوره ياناس لعب وفن وذوق وحماس
الزمالك هنا وهناك فرحنا بالدوري معاك
قولوا مبروك عليك يا زمالك انت الفايز انت المالك
نصر وفرحه لكل الناس الزمالك دوري وكاس

الزمالك نادي كبير ومفيش غيره له تاثير
من ايام حلمي زامور الزمالك دايماً منصور
أنا زملكاوي ومصري وتشجيعي مثالي وعصري
قالوا زمان الكوره إجوال والزمالك ماله مثال
الله عليه الله زمالكنا يا محلاه
لعب وفن ومزيكا رقصهم علي الواحده يا شيكا
يازمالك شد الهمة باقي كام خطوه علي القمه
يازمالك في المثويه عايزين الدوري هديه

رسائل وطنيه

كلنا ضد الإرهاب علشان نعيش أحباب
لو إيدنا في إيد بعضينا مين راح يقدر علينا
الدين لله السميع والوطن للجميع
أيدي في إيدك يا بن النيل نحمي بلدنا جيل ورا جيل
قولوا للعالم تعالوا شوفوا أولاد خفرع وأولاد خوفو
مصر أمانه يا مصريين لايفرقنا لون ولادين
هنا صلاه جمعه وهنا صلاه قداس والدنيا شايفه وسامعه المصري احسن ناس
تعالوا نبني ونعمر ونقول لا لى يدمر
أسأل الله الواحد نعيش كلنا واحد
لو كان العفو بينا ربنا راح يرضي عنا
أنا و احمد و يونان اخوات مهما كان

يا شركاء الوطن معاً ضد الفتن

اخويا وابن عمي صدقني همك همي

بكل ما في هذا الكون الفسيح نهنتكم بميلاد السيد المسيح

عيدكم ده عيدنا ولاشئ في الكون يبعدنا

دعواتنا في العيد يكون علينا سعيد

قولوا لكل اولادنا كلنا اولاد بلدنا

مصطفي وطه وحنا ولاشئ هيفرق بينا

هنقولها في كل مكان مصر بلدنا أمان

رسائل من ميدان التحرير

يا كل شباب البلد .. حيوا معانا دا الولد .. وقف وعلا صرخته .. وصاح في وش اللي جلد ..
.. يالا احملاوا على الكتاف .. ورددوا وياه هتاف .. أصل الجبان أصل اللي خاف .. ده عاش حياته
وما اتولد .. يا كل شباب البلد .. حيوا معانا دا الولد.

جيتك يا بلدي أقول .. عنك أنا مسئول .. يا ساكنه في دمي .. همك دا من همي .. سنين بعيد
عني .. وحشاني يا أمي .. فكيت أنا قيدي .. وهتعودي في إيدي .. ونعيد زمن الصبا .. واللي
يصبر ينول .. جيتك يا بلدي أقول .. عنك أنا مسئول .

في أسبوعين يا ساده .. وأربع أيام زياده .. وقع جدار الخوف .. وصوت جوانا نادى .. اليوم
دا آخر يوم .. يا باغي صح النوم .

شدي حيلك شدي .. هتدوسي وتعدي .. وجرحك لا بد يطيب .. وتقومي وتمدي .. أما اللي
كان خانك .. أو عض يوم إيدك .. أو قل من شانك .. وبكاكي يوم عيدك .. أو ضربك على
خدك .. فاليوم دا يوم ردك .. شدي حيلك شدي .. هتدوسي وتعدي .

دا ضرب بالدستور .. وحسب نص القانون .. سحل وركل كسور .. وهو ذا المضمون .. لا
فيه حقوق إنسان .. وبقينا في خبر كان .. ومعروف في كل مكان .. إن القانون طرطور .
عاشق تراب البلد .. وفي قلبي العلم مرفوع .. ودا يرضي مين يا ولد .. الضرب بقى مشروع
.. كل دا علشان كلمه .. هو الكلام ممنوع .
لها شكل ولو كئيب .. وعددها مالو حصر .. تلاقيها في كل مكان .. مش شرط جنب القصر
.. في شارع أو في ميدان .. ودي من سمات العصر .. دي الي مسر طنين .. ولا الي فينا بايعين ..
معقولة للمصريين .. يا ميت خسارة يا مصر .
غريب أنا مش من هنا .. ونفسي- يا خلق أعيش .. جاي من بعد قنا .. علشان لا بد نعيش ..
تعبنا وضاق الحال .. والصبر يا خلق طال .. وورايا بيت وعيال .. وكلام مينحكيش .
مين يروح يقوله .. يخف علينا شويه .. شايل اهم كله .. من راسي لرجليه .. يعني لازم
إضراب .. علشان الناس تسمعنا .. هم وضرب وعذاب .. والفقر زاد أوجاعنا .. طوفان الثورة
قام .. ولا فيه قوة تمنعنا .. نظام فاسد وفاجر .. باع البلاد وباعنا .

عمال ألف وأدور .. وعاش يوماتي في غمه .. ما عمري كنت أتصور .. في يوم تغيب الضلمة ..
.. الهم فاق الحد .. وطريق الرجوع إنسد .. وصوت الشباب بينادي .. دلوقتي وقت الجد .
كان يوم وله العجب .. هز المنصة بغضب .. وقال قلولي السبب .. ليه الرغبة مسروق ..
ولأمتي الناس هتعيش .. من النوبة للعريش .. ودا حال رغيف العيش .. والشارع بقى مخنوق ..
.. كلمة أمام الله .. يحاسبني يوم ما ألقاه .. في زمن العدل تاه .. يا مجلس إصحى وفوق .
مليني على شكوتك .. إحكي كمان وكمان .. وامسح خلاص دمعتك .. دا العدل رمزه ميزان ..
.. وارفع إيديك للسمما .. في أي وقت كان .. حقك دا زي الطير .. لحب خله أسير .. مهما يروح ..
ويطير .. هيعود بكل أمان .
معقول يا ناس معقول .. لسه العذاب هيطول .. لا كتاب ولا مدرسة .. ولا لقمة وحبّة فول ..
.. يا بلد الناييل سات .. يا بلد المليارات .. فيكي حاجات وحاجات .. فيكي العذاب بأصول ..
معقول يا ناس معقول .. لسه العذاب هيطول .
عجبي عليك يا خال .. ذنبك في رقبة مين .. في رقبة اللي خدع .. ولا في القوانيين .. عقله من ..
الحيرة تاه .. ولا صحة يا ولداه .. ألفين آه وآه .. يا خلق يرضي مين .. عجبي عليك يا خال ..
ذنبك في رقبة مين .

علي قوي صرختك .. وبلاش تقول مكتوب .. حكم الزمن يا خال .. أقوى من المكتوب ..
عاش على قدي .. بامشي- وباهدي .. وبقول يا نفسي- .. لايميها واتهدي .. ارفع وأقول حسبي
.. ولا أسأل أهل الودع .. الحل إيه يا ناس .. قلب البعيد إتوجع .

شوف الصورة وشوف الملامح .. وشوف عمائل الزمن الجارح .. مخنوق يا ناس راح أموت
.. ونفسي أرقع بالصوت .

بيجري وجي من حاره .. وعنيه تايهه ومختاره .. لا شتا ولا صيف مرتاح .. والظلم زاد وفاح
.. صرخة من طفل بريء .. بلسان وقلب رقيق .. جاي من شبرا شهاب .. تعبنا والعيشة
عذاب .. لا ورقة ولا كتاب .. وعذابه له ألف أماره .

ألف باء حرية يا ناس .. نقول رأينا وبكل حماس .. طالبين تغير من غير تزوير .. كفاية فساد
وكفاية تخدير .. راح نعلنها في كل مكان .. مضى- زمن الخوف والحرمان .. من اليوم ما فينا
السكوت .. ضاع الأمن وغاب القوت .. على معايا وعلى الصوت .. دا اللي هيهتف مش
هيموت .

العدل في شرعكم .. كلام على الورق وحروف .. لا يوم ينجي بريء .. ولا ينقذ الملهوف ..
وثقتي في ربي رفيق .. إيه يعمل التلفيق .. ودائماً في وسط الضيق .. ربي لطيف وعطوف .
صوت الشارع قال .. الي بيحصل مُحال .. أسير وبنادي فيكم .. مين يوقف الأندال .. الله
أكبر سمي .. حُب الشهادة في دمي .. ما تبكي لا يا أمي .. النصر يا محلاه .
أنا سامع صوت نبينا .. بينادي حي فينا .. وبكره النصر- لينا .. مين فينا معتصماه .. قالوا
وقالوا وقتلنا .. قلولي لإيه وصلنا خلوا الأرض نار .. لا كلام فوق الشفايف .. هيا من طفل
خايف .. العالم كله شايف .. فعل جبان غدار .
الشارع نادى وقال .. الي بيحصل محال .. يا دم كل بريء .. كاتب في كل طريق .. صرخة في
وسط الضيق .. إمتى نلاقي أمان .. يا كل ليل بيغيب .. يا كل فجر قريب .. ادعوا إن الجرح يطيب
.. ادعوا مع كل أذان .
أنا عارفك وانت ما تعرفنيش .. أنا كارهم قد ما أقادر أعيش .. عمري من الخوف دا آلاف
وسنين .. إياك تقولي الخوف دا منين .. كل الي فاكره من الزنازين .. برد وضرب وحر وخيش
.. عمري ما فكرت في يوم أهرب .. لا من الليمان ولا م العقرب .. كان دائماً لي النور أقرب ..
وعمري ما قلت سيوني أعيش .. أنا عارفك وانت ما تعرفنيش .

وفي يوم فتحو الباب بدري .. ولقيت كلاب جيه بتجري .. وبصلي من خرم الزنانة ..
وفطارهم ذل وإهانه .. قتلته انت ندل خسيس .. هتعيش وتموت خدام إبليس .. وأنا مش
مسجون .. دا انت اللي حبيس .. وتاريخك أسودم الخروب .. وبكره هنجري وراك بالطوب ..
وتاخذ لك ولا مليون مركوب .. والذنب فيك مش محسوب .. لكن الكلام جننه .. راح جاب
زميله يحننه .. سب وضرب فينا وتلطيش .. أنا عارفك وانت ما تعرفنيش .

تشوفه مره وما تنساش .. تقول عليه جزار ماش .. في ضربه ولا رفس مواش .. يفطر تاتوره
يتغدى حشيش .. يوماتي أصحى وأنا فاكرك .. على وسط جلادك وعساكر .. وعلى جرحي
ألاقي أظافرك .. فهل انت من كفار قريش .. أنا عارفك وانت ما تعرفنيش .

أهتف يسلم لسانك .. هتافك صحى قضية .. وأشهد على الي خانك .. ووداك في شربة ميه
.. باع فينا الأصول .. ولا عمل بالأصول .. إيه بعد كدا جريمة .. إيه بعد كدا أزيه .. اهتف
يسلم لسانك .. هتافك صحى قضية .

كل الخطا برجوع .. حتى الكلام ممنوع .. كل الي باقي فينا .. شبح غنكسار وخنوع ..
الأرض دي أرضي .. وحذاري من عرضي .. والشمس دي شمسي .. يا باغي راح تمشي .. راح
أقول من تاني .. يا غصن لباني .. دم ولادك يا مصر .. راح يحرق الجاني .

وجوه بريئة في كل مكان .. قايمه ونايمه على الحرمان .. قبل ما تسأل أي سؤال .. أبويه ليه
خلف القضبان .. خدوا بأيدينا وكفاية كلام .. وكفاية يا ناس نظرة ملام .. نفسي أعيش وليه ما
ألاقيش .. وغيري عايش على القراقيش .

بحلم أفتح عينيه .. ألاقي خضرة وميه .. وسما من غير دخان .. وحكومة مش مؤذية .. فين
الرقابة فين .. يا خلق فين الحرية .. فساد في كل مكان .. وشر بنا السرطان .. قولوا معايا يسقط
.. قولوا في كل مكان .

نشكي لين يا زمن .. لما الرموز تتهان .. ويأجروا المساطيل .. وكل ندل جبان .. يغدر
ويضرب يا ناس .. ويروج البهتان .. وصابر على قسمتي .. وراضي لحكم الله .. ولا عمري راح
أقول آه .. ولا لها عندي مكان .

لسان الحال بيقول .. شيء صعب مش معقول .. لا كتاب ولا مدرسة .. ولا لقمة وحبه
فول .. يا بلد المليارات .. يا بلد النايل سات .. فيكي حاجات وحاجات .. فيكي العذاب
بأصول .. لسان الحال بيقول .. شيء صعب مش معقول .

حكومة واتنين وتلاته .. والههم يوماتي يزيد .. ماشيين تاتا تاتا .. ياما قالوا فكر جديد ..
إعدادي وثنانوي وجامعة .. وأخرتها مفيش تعيين .. وحكومة خلاص مش سامعة .. ويلومواع
الغرقانيين .

أخطر مرض وصداع .. وأكبر من أي كلام .. كل شيء ينباع .. وحكومة زيف وخداع .. دا
حلال دا ولا حرام .. دي سكة الضياع .. وقضية رأي عام .. وغاب الضمير والدين .. وغاب
العدل فيهم .. شوفوا وصلنا لفين .

خمسة وسبعون سنة .. عدت كأنها يوم .. صاحبت فيه الزمن .. شفت فرح وهموم .. راضية
بجنهين تلاتة .. وهو دا المقسوم .. لا فيه تحت البلاطة .. ولا فيه شيء بيدوم .

آهين وآه يا بلد .. ع اللي جرى لنا .. حقيقة ولا خداع .. يا خلق يكفيننا .. كل ما أقول راح
أطل .. الملح بلاوينا .. أرجع وأعود مكسور .. والدم فيا يثور .. إمتى يحينا الدور .. يا خلق نجينا

الحالة ولا الناس .. ولا الزمن جاني .. أملي وكان في الغد .. والغد ما جاني .. لا بيت ولا
عنوان .. وبقيت في خبر كان .. ودمعي في كل مكان .. شاهد على الجاني .

من بعد ما غرقونا .. وعموموا الجنيه .. والغلا سبع كاسر .. ومين يقدر عليه .. لو قلنا ضاقت
بيننا .. ياخذونا على الي اسممه إيه .. ما تقولوا إيه العبارة .. علشان الناس محتارة .. وإن كانت
دي شطارة .. يبقى العوض عليه .

فقر وبطالة وفزع .. يا خلق يرضي مين .. نشرـب يا ناس م الترع .. واحنا في بلد النيل ..
عمري ما أكون ناسي .. يا ظلمني وناسي .

شمموا ريحة البارود .. سمعوا زئير الأسود .. من النهر ده له تاريخ .. زي تاريخ الجدود ..
ولف بيه كل الميدان .. وعرفه مين الجبان .. وانزع الخوف من فؤاده .. وعيشه لحظة صمود ..
شمموا ريحة البارود .. وسمعوا زئير الأسود .

الفهرس

2	بطاقة فهرسة
3	رسائل عتاب بين الأصحاب
9	رسائل شبابية
24	رسائل الأصحاب
27	رسائل الأحاب
29	رسائل لتهنئه للحجاج
31	رسائل رأس السنة الميلادية والهجرية
33	رسائل بر الوالدين
36	رسائل تهنئة العرائس
38	رسائل شهر رمضان المبارك
40	رسائل دينية
42	متفرقات
44	رسائل الأسماء
72	رسائل اهلاويه حمراء
74	رسائل زملكاويه بيضاء
76	رسائل وطنية
78	رسائل من ميدان التحرير
87	الفهرس